



Na osnovu člana 17. stav 2. i člana 44. stav 1. Zakona o Visokom sudskom i tužilačkom vijeću Bosne i Hercegovine („Službeni glasnik Bosne i Hercegovine“, br. 25/04, 93/05, 48/07, 15/08, 63/23 i 9/24), a u vezi sa članom 61a. i 62. Poslovnika Visokog sudskog i tužilačkog vijeća Bosne i Hercegovine („Službeni glasnik Bosne i Hercegovine“, br. 55/13, 96/13, 46/14, 61/14, 78/14, 27/15, 46/15, 93/16, 48/17, 88/17, 41/18, 64/18, 12/21, 26/21, 35/21, 68/21, 1/22, 26/23, 83/23, 9/24 i 27/24), Visoko sudsko i tužilačko vijeće Bosne i Hercegovine (u daljem tekstu: Vijeće), u sastavu sudija Halil Lagumdžija, predsjednik Vijeća, sudija Aleksandra Obradović, potpredsjednica Vijeća, tužilac Sanin Bogunić, mr. Lejla Hadžić, tužilac Saša Sarajlić, tužilac Željka Fabić, sudija Ljiljana Bošnjak - Glizijan, advokat dr. sc Davor Martinović, sudija mr. Srđan Forca, sudija Mustafa Šabić, advokatica Amila Kunosić, tužilac Snježana Petković i tužilac Biljana Simeunović, na sjednici održanoj 17. i 18. 07.2024. godine, donijelo je

## RJEŠENJE

### o imenovanju zamjenika glavnog tužioca Kantonalnog tužilaštva Tuzlanskog kantona

- I. Za zamjenika glavnog tužioca Kantonalnog tužilaštva Tuzlanskog kantona imenuje se **Begić Mirzeta**.
- II. Datum stupanja na dužnost imenovane Vijeće će odrediti posebnom odlukom.

## Obrazloženje

Na osnovu člana 36. Zakona o Visokom sudskom i tužilačkom vijeću Bosne i Hercegovine (u daljem tekstu: Zakon o VSTV-u BiH) i člana 33. i 34. Poslovnika Visokog sudskog i tužilačkog vijeća Bosne i Hercegovine (u daljem tekstu: Poslovnik VSTV-a BiH), Vijeće je na internet stranici dana 15.01.2024. godine objavilo javni konkurs pod brojem: 04-07-3-188-1/2024, kojim je oglašena 1 (jedna) pozicija zamjenika glavnog tužioca Kantonalnog tužilaštva Tuzlanskog kantona.

Nakon provedene konkursne procedure, nadležno podvijeće je u skladu sa članom 59b. st. (1), (2) i (4), a u vezi sa članom 61a. Poslovnika VSTV-a BiH izvršilo finalno rangiranje kandidata, te je Vijeću dostavilo rang listu kandidata sa obrazloženim prijedlogom za postupanje.

Razmatrajući zaključenu rang listu kandidata i utvrđeni broj bodova, kao rezultat ocjenjivanja svih kriterija propisanih Zakonom o VSTV-u BiH i Poslovnikom VSTV-a BiH, Vijeće je odlučilo da za poziciju zamjenika glavnog tužioca Kantonalnog tužilaštva Tuzlanskog kantona imenuje kandidatkinju Begić Mirzetu, aktuelnu zamjenicu glavnog tužioca Kantonalnog tužilaštva u Tuzli, koja navedenu dužnost u kontinuitetu obavlja od 01.12.2013. godine.

Prethodno imenovanju na poziciju zamjenika glavnog tužioca navedenog tužilaštva, imenovana kandidatkinja je u periodu od 10.11.2003. g. do 30.11.2013. g. obavljala dužnost tužioca u Kantonalnom tužilaštvu Tuzlanskog kantona. U periodu od 12.07.1997. g. do 10.11.2003. g. obavljala je dužnost zamjenika općinskog tužioca u Općinskom tužilaštvu u Tuzli, a u periodu od 10.11.1995. g. do 11.07.1997. g. obavljala je dužnost zamjenika glavnog tužioca u Osnovnom javnom tužilaštvu u Tuzli. U periodu od 01.06.1995. g. do 09.11.1995. g. obavljala je poslove stručnog saradnika u Osnovnom javnom tužilaštvu u Tuzli, a u periodu od 1994. g. do 31.05.1995. g. obavljala je poslove stručnog saradnika u Višem sudu u Tuzli. U periodu od 1987. g. do 1992. g. obavljala je poslove rukovodioca za opšte, pravne i kadrovske poslove u DP „Termal“ Lopare.

Kada je u pitanju broj ostvarenih bodova, Vijeće je imalo u vidu da je imenovana kandidatkinja u toku konkursne procedure, u pogledu bodova za kriterij stručnosti i sposobnosti pravne analize ostvarila ukupno 96 bodova od mogućih 100 bodova, dok je na razgovoru pred nadležnom komisijom Vijeća u pogledu drugih kriterija ostvarila ukupno 28,9 od mogućih 30 bodova, što ju je u konačnici rangiralo na četvrto mjesto rang liste kandidata sa ukupno ostvarenih 124,9 boda od mogućih 130 bodova.

Kriteriji stručnosti i sposobnosti pravne analize imenovane kandidatkinje koja je nosilac pravosudne funkcije, utvrđeni su na osnovu ocjene rada za posljednje tri godine za koje je ocijenjena, i to za 2019. godinu ocjena 4, 2021. godinu ocjena 5. i 2022. godinu ocjena 5., a računajući do dana isteka roka za podnošenje prijava po navedenom konkursu. Dakle, kandidatkinja je za navedene tri godine za koje je ocijenjena ostvarila prosjek od 4,7. Prema odredbama člana 56. stav 2. Poslovnika VSTV-a BiH, njenoj prosječnoj ocjeni rada za prethodne tri godine dodijeljen je ekvivalentan broj od 96 bodova koji se koristi u konkursnoj proceduri. Ovdje je potrebno dodati da odlukom Vijeća nosioci pravosudne funkcije nisu bili ocijenjeni za 2020. godinu kao posljedica pandemije koronavirusa.

Ostali kriteriji, koji se odnose na sposobnost kandidatkinje da odgovorno, nezavisno i nepristrasno obavlja funkciju za koju se prijavila, profesionalne nepristranosti i ugleda, te ponašanja van posla, dosadašnjeg radnog iskustva kandidatkinje, edukacije i usavršavanja, objavljivanja stručnih i naučnih radova, te drugih aktivnosti u struci, komunikativnosti, rukovodne vještine i iskustvo, te sposobnost upravljanja ljudskim potencijalima, utvrđeni su na razgovoru pred nadležnom komisijom Vijeća, kojom prilikom je svaki član komisije nezavisno bodovao kriterije, kako je to propisano u čl. 54., 54c., 54d., 54e. i 54f. Poslovnika VSTV-a BiH, pri čemu je kandidatkinja po tom osnovu u konačnici ostvarila ukupno 28,9 bodova. Konačan broj bodova koje kandidat ostvari na razgovoru predstavlja prosjek zbira ocjena po kriterijima koji se ocjenjuju na razgovoru.

Pored ukupnog broja ostvarenih bodova, gdje je kandidatkinja u skladu sa članom 59a. stav (2) tačka a) ostvarila potreban uspjeh od najmanje 105 bodova, kako bi bila predložena i imenovana na poziciju zamjenika glavnog tužioca kantonalnog tužilaštva, podvijeće je vodilo računa o okolnostima koje su relevantne za procjenu podobnosti kandidatkinje iz člana 48a. ovog poslovnika.

Podvijeće je prilikom predlaganja navedene kandidatkinje ocijenilo da ne postoje okolnosti koje izazivaju sumnju u pogledu podobnosti kandidatkinje za poziciju za koju se prijavila.

Razlozi zbog kojih je podvijeće dalo prednost predloženoj kandidatkinji na rang listi pod rednim brojem 4 u odnosu na kandidate na rang listi pod rednim brojem 1, 2 i 3 su slijedeći:

Vijeće je prije svega uzelo u obzir činjenicu da je imenovana kandidatkinja na rang listi pod rednim brojem 4 Begić Mirzeta na razgovoru sa članovima Komisije za obavljanje razgovora, na kojem se razmatralo i vrednovalo sposobnost kandidatkinje da odgovorno, nezavisno i nepristrasno obavlja funkciju za koju se prijavila, profesionalne nepristranosti i ugleda, te ponašanja van posla, dosadašnjeg radnog iskustva kandidatkinje, edukacije i usavršavanja, objavljivanja stručnih i naučnih radova, te drugih aktivnosti u struci, komunikativnosti, rukovodne vještine i iskustvo, te sposobnost upravljanja ljudskim potencijalima, ostavila dojam da se radi o kandidatkinji od koje se, u konkretnom slučaju u većoj mjeri može očekivati da će uspješno, stručno i savjesno obavljati dužnost zamjenika glavnog tužioca u Kantonalnom tužilaštvu Tuzlanskog kantona.

U prilog ovoj činjenici govori i podatak, da je imenovana kandidatkinja u odnosu na kandidate na rang listi pod rednim brojem 1, 2 i 3 na razgovoru pred nadležnom Komisijom Vijeća ostvarila najveći broj bodova. Osim toga, iz rang liste, jasno proizlazi da je imenovana kandidatkinja u odnosu na ostale kandidate ostvarila veći broj bodova na razgovoru za kriterije koji su bitni za imenovanje na rukovodnu poziciju, a to su rukovodne vještine, sposobnosti i osobine.

Imenovana kandidatkinja je kroz razgovor iskazala izuzetne vještine i kompetencije rukovođenja. U potpunosti razumije ulogu i važnost institucije u ostvarivanju državnih strateških prioriteta i utjecaj tih

prioriteta na vlastito područje rada. Sve prioritete je jasno precizirala i objasnila. Osim toga, izrađuje jasne i smislene strategije, planove i ciljeve za vlastito područje odgovornosti kako bi podržala ostvarivanje organizacijskih prioriteta. Rukovodi ličnim primjerom, promovirajući organizacijske vrijednosti i pokazajući ličnim primjerom organizacijske vrijednosti i odgovarajuće ponašanje. Pred Komisijom za obavljanje razgovora pokazala je izuzetne vještine verbalne komunikacije, na pitanja je odgovarala jasno, staloženo i sažeto, kroz čvrst i otvoren stav.

Dakle, neposredan kontakt sa imenovanom kandidatkinjom pred nadležnom komisijom Vijeća, pokazao je na strani imenovane kandidatkinje prednost u odnosu na druge kandidate, posebno kada su u pitanju rukovodne vještine i sposobnost upravljanja ljudskim potencijalima.

Osim toga, Vijeće je cijeno da je imenovana kandidatkinja u dva prethodna mandata obavljajući dužnost zamjenika glavnog tužioca Kantonalnog tužilaštva Tuzlanskog kantona, pokazala visok stepen vještine rukovođenja i organizovanja rada, kao i sposobnost upravljanja ljudskim potencijalima.

Posebno je uzeta u obzir i činjenica da je predložena kandidatkinja u vrijeme čestog odsustva glavnog tužioca, u svojstvu zamjenika glavnog tužioca, obavljala kompletnu funkciju glavnog tužioca, te i na taj način pokazala visok stepen rukovodnih sposobnosti.

Obzirom na činjenicu da je predložena kandidatkinja na rang listi pod rednim brojem 4 ostvarila manji broj bodova od kandidata na rang listi pod rednim brojem 1, 2 i 3, Vijeće je zaključilo da je takav položaj kandidata na rang listi posljedica male razlike u ukupno ostvarenim bodovima (2 boda u odnosu na prvorangiranu kandidatkinju, 1,8 bodova u odnosu na drugorangiranog kandidata i 0,6 bodova u odnosu na trećerangiranog kandidata), koja u konkretnom slučaju ne ukazuje na stvarnu razliku u kvaliteti u korist navedenih kandidata.

Prilikom odabira i imenovanja kandidata, Vijeće je shodno dosadašnjoj praksi vodilo računa o nacionalnom sastavu rukovodne strukture u ovom tužilaštvu, uzimajući u obzir činjenicu da novoimenovani glavni tužilac i jedan od zamjenika glavnog tužioca dolaze iz reda ostalih, odnosno srpskog naroda, za razliku od imenovane kandidatkinje koja dolazi iz reda bošnjačkog naroda.

Uzimajući u obzir sve navedeno, Vijeće je ocijenilo da imenovana kandidatkinja u potpunosti ispunjava zakonom propisane uslove, kao i druge kriterije koji se cijene prilikom izbora kandidata, kako bi bila imenovana na poziciju zamjenika glavnog tužioca Kantonalnog tužilaštva Tuzlanskog kantona.

U pogledu dijela rješenja o stupanju na dužnost imenovane, isto se odgađa do okončanja dodatne provjere iz člana 86c. Zakona, ukoliko se ista provodi, odnosno do okončanja upravnog spora ukoliko je pokrenut protiv rješenja o imenovanju.

Ovo rješenje će biti objavljeno na internet stranici Vijeća, shodno članu 44. stav (1) Zakona i članu 62. stav (4) Poslovnika VSTV-a BiH, uz naznaku datuma objave od kojeg počinje teći rok za podnošenje tužbe.

Imajući u vidu sve iznesene razloge, Vijeće je odlučilo kao u izreci ovog rješenja.

**Pouka o pravnom lijeku:** Protiv ovog rješenja može se pokrenuti upravni spor pred Sudom Bosne i Hercegovine u roku od osam dana od dana objavljivanja rješenja o imenovanju na internet stranici Vijeća.

Broj: 04-07-3-2799-1/2024  
Datum: 18.07.2024. godine



